

太上靈寶元陽妙經卷之四

皇四

太上靈寶元陽妙經卷之四

皇四

問行品

諸弟子等上白師尊言衆生各有緣品及諸
大士男官女官等如弟子惟忖今聖非過去
聖師廣演次第即元陽昇仙大法演大義經
諸法衆聖男官女官外契內契我於過去諸
仙男女得大莊嚴神通明了曾見此瑞放斯
光明即說大法是故當知師尊現示變化廣
演言教神通第二一切諸法亦復如是故令
弟子等咸得聞知一切世間難信之人故發

斯瑞諸男官女官等若過去無量無邊不可
思議劫時有一王名大相燈清淨法王應化
八萬四千地其地平整歡樂饒人無有山河
沙石溝坑原陸堆阜其城黃金為壁水銀為
池真珠玉室瑪瑙華寢連綿四百餘里人民

皇四

慈善有一弟子名大法林廣聞諸法明惠具
足超登无上化導天人其義不雜其音巧妙
具足明白五通之相說法利益度脫衆生了
一切法空是為真人與上六神王俱次得道
元陽上品真人第二能成就一切道智次復

有一弟子名常精進行相大士名曰明如長相是人曾於二十二身得生文昌宮由以宿植德本靈智自天稟化玄風餐訓妙法積福具備證果九天獲慶將來得蔭太清凝神天府功德彌厚靈嶽真府仙官授手其所習翫

紫陽仙公太清圖品應為第七未出家時有一大士智慧具足其所祖述紫陽為師而每勤學神仙元陽為上天圖仙品其人能知初仙中仙下仙初善中善後善其義深遠最後仙真人未出家時有八從弟子一名晃林二

名珍林三名意林四名表林五名善林六名
樂林七名寶林八名除疑林是人而繫名天
宮元陽上品具足智行備五神通威德自在
各領天人初出家時思惟樹下棄捨高位發
大悲心秉意逃逝常修真行皆為仙伯於千

皇四

二

萬歲後所植諸善悉皆成就夜半子時建剛
仰北斗魁中紫微文昌忽然而開但見太上
老子乘雲青龍而下下則青馬也謂其人曰
是何真賢時老子答言吾是東海小童李元
真人天慶會遣我來下化子林大士後能演

无量義經開敷元陽神仙第二天花覆其上
普化世界種種震動爾時會中有一真士厥
年十二上白師尊曰如我大衆得未曾見今
歡娛喜樂長跪端心觀師尊所說善辭巧妙
善喻方便能放光明普照一切令其會中蒙
得開明所爲因緣照明元陽上品仙聖大品
天人之界其土清淨得未曾有故使百千萬
歲中衆生永安大福條林法靜真人曰吾師
說元陽上品以來曾經六十小劫不起于座
今欲攝應歸本正月七日當還天宮慶集天

人汝等若有一人二人乃至十人於我去後
能宣傳妙法勸化衆生皆當往生元陽品中
莫得懈倦六十小劫天人並位齊心受記乃
告諸大士等得條林法靜真人言今當慶會
天人其人去後妙元林與光妙林應達五通

皇四

三

廣智神仙巧利經記當得淨惠開悟衆生號
曰淨惠度真人授記已便於壬辰年正月七
日忽然去矣元陽淨惠度林真人者生於深
妙王宮其先代積行勤心翹念耽讀真經每
習仙記常所祖述太一元宮其所修學太一

仙經八百卷其中廣演言教化度衆生說妙
林仙記八千卷滿八十小劫不起于座爲人
演說有八弟子一名晃林二名妙林三名教
林四名堅固林五名燈香林六名樂林七名
度林八名化林是八弟子皆有明行於元陽
上品第三弟子也處臺榭園田廣林樹下有
成仙品者名曰伯皇真人求在左右通利誦
典廣演諸經宣暢至品曾於大衆過去之世
經六十小劫其衆嚴敬演教度一切無數令
入元陽上品初出家時有二弟子見神大聖

諸仙隨從說此經中无量種義諸天仙入當
廣分別吾當說此時即於天上玄坐虛空中
八十小劫下觀汝等廣演言教昇入无量品
天香寶蓋天龍仙王供養人中一切諸仙世
界嚴淨其土如脂多諸寶樹名獅子象王宮
即時種種天人神響震動淨惠度林真人放
神通光明見諸希有之相悉見彼土一切人
民其土清淨真珠為地黃金為城白銀為壁
瑠璃為室黃青赤繩連綿其中瑤瑤界側水
精為殿白玉為樓處處行樹園林臺榭清淨

蓮池花果茂盛一切衆生受樂其中連綿相
續四千餘里天光普照衆寶莊嚴瑠璃玻璃
內外朗徹不由日月諸仙供辦餽饌飲食自
然天廚供具餽饌彼有天人明淨第一出乘
雲車駕龍神虎飛鳳嘯歌四面懸鈴八方安

皇四

四

施自然伎樂身色光明如金寶山端巖竒妙
如淨瑠璃內外圓滿次一大士厥名辯惠度
厄真人所從弟子皆得昇天太一官府開度
無數因我光明飛行自在悉見大衆諸仙山
林精進大士持戒符契妙靈仙品猶如明珠

有一弟子名莊妙林其人修行常在小林精
進持戒淨行施惠忍辱元陽仙品有一弟子
名大智藏入深妙定身心寂滅廣智定慧次
一弟子名妙梵林智法深曠寂滅神智不動
各於其國說法上品次一弟子名大梵林現
大神通其心歡喜四部弟子廣演言教各各
相問元陽仙品次一弟子名觀梵林好樂至
道天人所尊三界第一能讚諸仙世間希有
次一弟子名真妙音廣知一切天人所趣歸
信大行能奉至業次一弟子名寶玄林玄階

虛空照明仙記每讚陰陽廣演言教慶集天
人妙光世度次一弟子名智慧深智慧五通
滿八十小劫能開世教不起於座所說上品
妙奧難測號曰月光无上仙師次一弟子名
寶妙林天人並悅諸法實相已為汝說於中

皇四

五

長短十月五日歸還天宮語諸弟子言汝等
一心精進當昇天宮號曰太清天人如是弟
子皆是元陽仙品神通无碍淨惠度真人說
是既已語諸弟子言自吾與子仙紀斷絕慶
會天宮有何隔乎吾至十月五日當還天宮

上命甚速吉會非常於是真人還以此月十
五日日中之時與諸衆仙雲車羽蓋侍從八
千萬人飛仙天仙无量聖衆乘之而去元陽
度太清天人從无著王官乘三世界安庠而
起告諸弟子曰吾受真人智慧甚深无量智
慧見生智慧門五神洞朗諸根猛利饒益衆
生一切世間難解難了難入一切天人所不
能及所以者何吾曾親近百千萬億无數真
人大士盡行无量大道勇猛精進名稱普聞
成就甚深得希有法嶽靈天圖仙官授法下

化三界隨宜啓導吾從成真人以來種種因緣種種譬喻廣演言教無數方便引導衆生令離諸著所以者何吾之方便知見深遠皆以具足百姓子人我太上先師其智廣深遠无量無邊无所畏憚心定解脫深入秘藏知見元際成就一切未曾有法皆至天宮大妙仙圖元陽上品大仙寶經種種分別巧說諸法言辭柔軟悅可衆心百姓子等取我要言之法无有限量承我所說悉皆成就不可思議子等不須復說何以故我所成就微妙第

一義趣難解唯吾上師乃能分別諸法深奧
不能究盡吾今有如是相有如是性如是體
如是力如是作如是緣如是因如是果如是
報如是本末盡等究竟爾時天人授記與信
行善男善女一切咸使聞知悉皆開悟及天

皇四

六

老玄淨王少子其先自出慰田王宮其所祖
述大寶爲上甚所修習太清經八千卷能廣
演言教六十小劫不起于座本從無數具足
諸行甚深甚妙難見難了有從弟子三人一
名玄妙真人二名證果真人三名明智真人

然此弟子有大聖行能說法元陽仙品千日
千夜不起于座次一弟子名真梵林諸根猛
利甚深微妙行此諸品還得成果我以悉知
如是大果元陽功德次一弟子名大梵林種
種方便我及十方諸餘衆生悉能演化開悟
暗冥次一弟子名真淨林其人智慧信力堅
固及諸弟子煩惱漏盡住是最後悉皆昇天
太上仙宮依位各處



